

Commission pour le développement durable et à l'énergie Reunioun vum 1. Dezember 2020 iwver Internet

Present : Alex BERTRAND, Jean-Jacques BUTTEL, Philippe CHENNAUX, Pierre ESPEN, Marc FRANK, José FERNANDES, Claude HETTINGER, Carlo KOEPP, Patrick KRÄMER, Ambros PORCSIN, Joske VOSMAN

Entschëllegt: Jacques HUSS

Absent: Marc HOFFMANN, Henri NOESEN, André STROTZKA

Bericht: Carlo Koepp

1) Begréissung

Begréissung duerch de President Philippe Chennaux.

2) Charta

De Joske rapportéiert aus dem Gemengerot, dat mir an der Kommissioun un der Charta solle weider schaffen. Intern si mir eis eens dat mir d' Veräiner mat abannen. Fir d'éischt wëlle mir awer eng Aarbechtswirgag erstellen. De Pierre schéckt eis séi leschten Layout vun der Charta, fir an der nächster Sëtzung drun ze schaffen.

Duerno riicht kontaktéieren mir Veräiner, woubäi mir nach festleeën mussen iwwert wéi e Moyen.

Während dem Debat koumen nach verschidden Punkten op:

- Maachen all Veräiner mat, an denke mir un een Encouragement fir déi, déi hëllefen?
- Gëtt et ee Stock vu Material a Geschier fir d' Fester, an och eng Spullméiglechkeet?

3) Tour vum Duerf

Kommissioun proposéiert d' nächst Joer erëm matzemaachen. Dobäi sollt een verschidden Punkten berücksichtegen zB.:

- Proposéieren vu Strecken déi een gutt mat Kanner fueren kann, oder fir VTT
- Schéin Ecker a Platzen mat abezéien
- Séchert fueren garantéieren
- Ravitaillement, haaptsächlech Waasser no fëllen
- D' fréizäiteg Kommunikatioun un d' Awunner iwver Flyer, Buet, Internet asw. an dat ab Juli

Fir besser mam Vélo ënnerwee ze sinn wier et gutt fir d' Dierfer aus der Gemeng méi Vélo-gerecht ze verbannen. De Leader, awer och d' Verkéierskommissioun schaffen dorunner. An dem Kontext hat de Leader Gemeng an verschidden Kommissiounen ugeschriwwen. De Gemengerot sollt sech weider an dem Sënn engagéieren.

4) Bautereglement

An der leschter Sëtzung hate mer schonn dovun geschwat. Eng Aktualiséierung geséit de Philippe fréistens fir 2022. Am Moment gëtt an der Bautekommissioun doriwwer diskutéiert.

Verbidden vun Steegäert ass och een Thema an d' Fro stellt sech, wat kann een erluben a wat net. Dobäi sollt een ënnerscheeden tëschent 'Steen- an Schottergaart', woubäi de Leschten éischter gemengt ass.

Jiddefalls muss eng Demande virgeluecht ginn, déi dann no verschiddenen Krittären beurteelt gëtt wéi z.B. Waasserverbrauch, Biodiversitéit asw.

5) Nei Offallkollekt

Et schéngt dat eeler Leit Problemer haten fir déi nei Dreckskeeschten ze bestellen, well se z.B. mam Internet Site net eens goufen an duerch den Upgrade elo ze grouss schwaarz Kiwwelen hunn. Als Ursaach gouf iwwer d' Kommunikatioun vun der Sidec geschwat. Dobäi muss een awer festhalen, dat den 11 Juni 2020 jiddereen e Bréif an der Boîte hat mat dem Status vun senger Bestellung an mat Telefonsnummere am Fall vun néidegen Upassungen.

Op d' Fro hin ob schonn Statistiken virleien, sot de Joske dat fréistens eréischt no sechs Méint géif Sënn maachen.

6) Divers

- Den Philippe huet matgedeelt dat d' Reunioun vum Leader-Aarbechtsgrupp ofgesot gouf. Dee nächst Reunioun wär dann warscheinlech am Januar.
- **ROI:** De Philipp schéckt eis déi komplett Versioun.

7) Punkten déi nach opstinn

- **Aktioun Stoff-Wëndelen:** Den Alex waart nach op eng Offer vun der Liewensinitiative

Nächst Sëtzung den 19 Januar 2012 um 19h30 an der Koll oder iwwer Internet